

北京日報

第二百五十二冊

四月初七日

代表人朱洪

宮門抄

四月初六日兵部

太僕寺

廂白旗值口無引

見

蔡哈爾總管多普

多爾濟謝

恩 吉林烏拉協領德林謝

恩 黃紹箕等謝充講官

恩

達壽假滿請

安

錫麟

彬格預備

召見

召見軍機

錫麟

彬格

上

諭

四月初六日奉

上諭直隸天津鎮總兵員缺著張懷芝補授欽此

代論

朱聘三太史上徐尚書請置訓方員書

日前獲侍鈞誨。銘篆五中。比維勳望俱隆。歡忭無量。頃者朝廷設立警。吾師榮膺簡命。規畫宏遠。凡下士一得之愚。皆蒙俯納。汝珍管窺所及。試前席際之可乎。竊惟今世立國體要有二。教育其命脈。警察則猶衛衛也。探觀警察作用。在豫防天然人爲之危害。以增進人羣生活之利益。斯爲正當職權。故東西學者。有警察爲幸福之母之說。列國警察。無不於警察體段。含有教育之精神。此其所以善也。然則俟危害既發。始以警察兵檢査懲罰之。此但爲手段及形式之事。況規行伊始。一切制度。采自他國。而內地紛錯遼遠。交通壅滯。其分布之機關。未能周密。則防禦之方法。終有所不逮。思其道矣。攷周制訓方一官。隸於司馬。日本保安警察。有豫戒令。皆先事訓告。使人民曉然於共同之秩序。不至自入危險。今吾國采行警制。求其最適宜於現在。且起與捕詰權相表裏者。莫如廣設訓方官。實行豫戒之令矣。擬請於及各省會建訓方講習所。選所屬生童之文理明通。口齒清利者教之。其功課約分四門。一法律綱要。粗淺國體。法民君民與法及新定違警之例文。二地理述畧。各國疆域人種旂章之界別。本國郡縣道里遠近及警區之建置。三

學。歷年重大教案及交通警察之規則。四生計要聞。種植畜牧工藝之粗淺學理。及營業警察之保護。其期此項講習所不入學堂統系之內故當隸於警部學成各生。命曰訓方員。分巡各府州縣。用白話演說。以之人民。大抵人雖至愚。要皆敏於一己之利害。不幸陷於凶險。有待警察之裁制。此必其知識未足耳。而警察之資格。格秋司學說。即在引起人民之慈愛心。及溶發其智識。不但警除已然之危害已也。感發人之速。莫如演說。亦已用白話告示矣。吾國愚民。并此不識。誨諄諄貌。奚怪其然。而種種違警之行爲。即在此輩。故白話演說。尤亟也。據華耳夫警察三要在計畫人民富饒靜謐幸福。而近年民教交涉。屢致暴動。如南昌一案。外人遂藉口警察之不力。故訓方講習。宜綢繆及之。戶口滋殖。乃能風俗改良。故生計次之。其於流氓乞丐。常別仿日制。設威化院。以爲補救。此則行政警察之事矣。誠采此議。上得道人。拘釋之意。下足補警兵游徼所不及。其施行次序。實與警務學堂偵探學堂同。緩急。萬衆蟲蟲。水火可憫。願吾師深圖本計。薰陶而善良之。或亦治安之嚆引耳。本館按庚子以後。學堂漸開。報館踵設。智亦畧通矣。然腹地不如口岸。鄉村不如城市。編氓不如士夫。若以全國人口。勻算。竊以爲其可稱開通者。仍百無一二焉。顯蒙固陋。往往自蹈危險。而不自覺。一旦若與英美有違言。無難遷怒於德法。與教堂相齟齬。竟至波及於官商。此等舉動。罪在無知情殊可憫。太史籌議及此。誠爲清本之治用。亟登錄以敬告一般有維持地方之責者。本館記者附識。

要緊新聞

戶部擬造八大司公所○鐵大軍機日前由練兵處委派測繪生數名。逕赴戶部署內。各司地方測量地勢。共繪一圖。據聞戶部中人云。此舉係爲併司起見。故令測量妥當。以便改造八大司公所云云。未知果否。請仍用龍圖式樣○近日各局鑄造銀圓所用模式。不能一律刻有某侍御奏請嗣後鑄造銀圓。應仍用龍圖式樣云。京餉不准匯解○日前李侍御灼華以解餉委員。擾累地方。特具摺奏。請飭改章程。以蘇民困。摺上奉 旨交戶部酌議。戶部諸公以京餉向解現銀。若一旦全由商匯。轉多窒礙。且京師銀根短絀。全恃京餉現銀流通市面。若謂運費繁多。匯費較省。亦不盡然。不若變通辦理。由火車輪船轉運。亦未嘗不便。因請咨商各省。明定責成。俾得照辦云云。聞已奉 旨依議矣。

二品以上戶口無庸清查○警部日前所上封奏。具陳清查戶口大概情形。摺上奉 旨依議。已見前報。茲探得該摺內容。係爲京師內外城地面。甚大。戶籍繁雜。現在創辦警務。必須認真清查。詳晰列表。報部存查。方有著手。特擬定清查戶口大概辦法。二十三條。暫行試辦。所有京師文武官員。除二品以上無庸清查外。其餘各官戶口。均准由內外城總廳通飭各分局。按戶清查。編列詳表云云。

解餉准免驗批加印○戶部銀庫自歸本部接管後。所有各省京協各餉。均屬隨到隨收。即日撥給批回。以絕留難之弊。惟委員領批後。應赴都察院戶科江南道三署驗批。加印方能回省。銷差而各署事務。例有衙期。不能隨時赴驗。加以戶科官署近依 禁閱又非外吏所能周悉。因此委員守候。每至嘖有煩言。現戶部已特具章奏。請將驗批加印准予寬免。此外則仍照向章辦理。聞已奉 旨俞允矣。

黑龍江奏設偵探學堂詳情○日前警部議准黑龍江偵探學堂一摺。奉 旨依議。茲探悉該摺係黑龍江將軍程雪帥所上。畧以江省現辦警務。稍有頭緒。惟偵探乏才。擬請於省城設立偵探學習館。聘請外國專門教習。考選佐貳以下人員入館肄習。以一年爲期。期滿准由本省發給卒業文憑。派充偵探。差使以重警政。而靖地方云。

部議直隸認解警部經費○警部常年經費。前經咨商各省認解。現聞直隸已認解二萬兩。由四六成洋稅項下動支。戶部以四成洋稅除北洋機器局用外。其餘款項。係奏定解部之款。不便動支。至六成洋稅除海防練兵各餉外。倘有餘應准動支云云。

義商請追欠債○日前有義國商人威姓。具函警部。控告華商何錫先。欠下不償。懇請追究。一案警部准此。札飭內務部。飭令該商。速提訊詳細。申覆以憑核辦。

拿獲魚雷請賞○德國兵船提拔尼亞號。在煙台拿獲洋面魚雷一具。昨經代理德公使葛君。照請外部。轉達北洋提督。照例給賞云。

黑龍江貢貂請展限期○江省向有貂貢。現在該將軍以近遭日俄戰亂。物力爲艱。所貢貂皮。請從緩進云云。聞已奉 旨准其展限。形于此可見。

舉人願充警兵○日前有某孝廉。具呈外城巡警總廳。自稱情願投効充當警兵。以習警務。而振尙武精神。充當警兵。必須站崗。有方望。拔升巡長。差使事甚吃苦。不具充當。某孝廉因又呈懇申請。由部核辦。

不識能邀批准否耳

駐印張參贊電調回京○藏約已結聞外務部有電致留駐印度議約之張參贊陸榮廷等起程回京

粵督東巡紀事○前月望日岑宮保由省啓程往東江巡閱是晚在長洲灣泊十六早在魚水雷馬頭開水雷
具當轟發時海水壁立浪如山湧澎湃之聲逾時始息官保復親駕魚龍船看放魚雷數具演畢往學堂閱學生
又赴陸軍學堂觀學生各種技藝各該學生以次操演至晚始回船解維夜半至石龍埠停泊十七早開行已刻
羅屬九子潭地方登岸偕同幕友僚屬游羅浮山午間抵白鶴觀少停上游華首台是晚在僧院歇宿十八早往
觀游覽各古蹟山半有龍珠台業已荒蕪僅遺舊址登臨可眺重洋宮保與偕行者坐談數時擬在台傍建一亭
龍珠亭即傳該觀主持諭令從速興工捐助工費三百金工竣時尙須留題匾聯以紀其事午間下山仍在華首
寄宿十九早離華首台原路下山午間在九子潭開船入夜在白沙停泊二十早開行午間船至惠城地方官早已
河干迎迓宮保隨登岸拜李提台及沈道文武官畢仍回船安息又岑宮保帥節現駐惠郡聞勾留數日即赴潮屬
察省中業已派使伏波琛航兩兵輪開赴蓮花山伺候帥節赴潮矣

江督撥定的款辦理贛州銅礦○兩江礦務局調查總辦陳道樹函稟請江督周玉帥於寧蘇皖贛四銅元局各籌款
十萬共四十萬兩開辦江西贛州府銅礦茲奉江督批示畧謂各省銅元局奉部咨改爲銅幣分廠鑄數且定限制將
來餘利無多所請四省共籌四十萬以資開辦並飭江西劉紳景熙承領爲總經理等情恐現在四省銅幣分廠無此
巨款可提今擬收就甯蘇浦皖贛五處銅幣分廠每季於銅幣盈餘項下各提四分之一藉充贛礦開辦經費其餘不
足惟有廣招股份官商合辦之一法云云聞此事並已由江督咨行蘇皖贛三撫院並江北提督知照並飭局轉行劉
紳景熙遵照將贛州銅礦招股章程妥擬以便核奪

江督爲上海公廨刑章事致滬道電○准外務部有電英使照稱據駐滬總領事電現經滬道札行會訊公堂華官凡判
斷監禁不得過六十日公堂案件繁多若僅以六十日爲限大半不足蔽辜華官權柄如此限制公堂各事豈能合宜
辦理租界亦難保平安等語查刑部原奏押禁六十日係專指笞杖人犯而言其情節較重者又未擬定徒罪以上罪
名之案已由本部咨查刑部照例懲監禁若干年限俟得復再達所有現辦各案除笞杖人犯遵照新定刑章外其餘
仍照公堂向章辦理希查照云查會審刑章軍流徒以上應由地方正印詳審是委員只能定枷杖以下本無准予監

禁明文近來因枷杖不足蔽辜酌加監禁遂至漫無限制現在新章既未議定自應暫照向章辦理惟遇有監禁之案
所定年限至多不得過五年以免與刑章過相違背望照辦但須聲明此係暫行章程不爲定例俟新章議定再遵新
章辦理謹感印

鎮江關徵收土藥稅捐新章○鎮江關稅務司奉總稅司札飭以南北省土藥捐章不一南如川貴徐土捐皆每百斤完
銀數十兩北如東省土藥每百斤捐僅二十餘兩勢必北省土藥灌滿南省而南省土藥不免滯銷鎮江爲南北樞紐
嗣後到鎮各土藥無分南北皆照稅釐併完之章每百斤完銀五十八兩外加八省膏捐銀十二兩合成七十兩以歸
劃一如已在產地完過稅捐及八省膏捐者到鎮則免徵驗放在產地完捐稍輕及未完八省膏捐者到鎮須照章補
足總須合成每百斤共收銀七十兩之譜云云刻已牌示各土商遵照

選錄京外各報

日南日報

中英合辦九廣鐵路○廣九鐵路外務部因英公使屢來交涉現定該路全線由中英兩國合辦已由外務部電達兩廣
總督岑雲帥知照矣 三十日上海時報

覆陳平和會公斷事例○南昌教案前 獻議交海牙和平和會公斷者政府雖未明辦然已電詢駐荷陸使飭詳查平
會公斷事例具覆聞現得陸使覆稱略謂已詢諸該會會員據云(凡關於法律上是非可否之事件會中可爲
若屬於事實上疑似有無之事件則本會無所施其評判)云云據此則南昌之案注重在江令自刻與非自刻
題所謂屬於事實上之疑似有無者與不合平和會公斷之例也 錄二十九日南方報

澤 電告經費支絀情形○三月二十一日政府接到澤公自倫敦來電據稱前接電 諭飭所到各國詳細
等情但前請經費無多隨帶人員不少萬難久延擬於四五月間先令端戴兩大臣回國其隨員亦酌量裁回
詳加調查以節經費而免誤公等語政府已爲代奏 三十日南方報

不必郵信謠言○外部近經駐京某某公使照會中國內地不甚安寧爰即電詢各該處覆電均稱地方

外人之證據據情復各公使謂均係匪人捏造謠言離間中外邦交嗣後務請貴公使於此種謠言不致致碍睦誼云云錄二十九日新聞報

聲明侵淪權限○政府近電咨駐日楊欽使略謂日本整理旅大財政及渡航條件中有違約之處者即向日方聲明如在中日條約外另有侵淪權限之事務難承認 三十日新聞報

擬革懲統制○練兵處派員查閱河南新軍甚為腐敗難於會操 奏請將該處鎮統制楊慕時革懲三十日新聞報

派員查閱各省新軍○練兵處派員查閱兩江閩浙等省新軍 三十日新聞報

奉陳東三省政法要則○聞鄂督張香帥近上一摺據云條陳東三省及齊齊哈爾蒙邊之要政內分礦務農商製造榷學學務外交共二十六門其中措置極為詳晰云 漢口公論報 (以上本京事)

索賠須檢呈單據○海參威兵亂華洋損失貨物共計值銀一千餘萬華商開列清單稟請海參威領事官李蘭洲按公法照會俄官轉詳俄政府索償茲悉已接俄京復文所有索賠各貨須將原購進口價值單以及保險據逐一呈報方可作準李領事當已傳諭各華商一體遵辦檢呈以憑彙辦 三十日新聞報

日俄交割東清鐵路○奉天特派員二十二日專函云日俄交割東清鐵路第一期已由日俄委員定於三月二十八日在沙河子車站附近交割公主嶺車站以南之東清鐵道至第二期交割長春車站以南之東清鐵道線路亦已定於西八月一日云 同文滬報

奉天官軍失利○奉天西鄉離省八九十里之某屯自上月杪即聚有匪徒四五百名四出搶掠並勒附近居民按地畝抽捐靠山依險築有新式砲臺西路奉軍派隊往剿大敗而潰棄失軍械甚夥遺次帥聞報飛調直隸陸軍某某兩營前往前鋒亦為所挫目下匪勢十分猖獗百姓逃難者絡繹不絕業次第調駐錦之陸軍三鎮營星夜開往能否進剿得手尚不可知 三十日新聞報

匪徒擄官○奉天柳河縣令為匪黃某綁去 二十九日新聞報

日人擾村屯○錦州函云日本人於初三日到阜新縣遼東分住村屯先後到有一百餘名以測繪為名遂於到處插旗佔居房屋樹木種種肆行妄為經該處練長林錫九稟請縣署核辦初七日該縣派劉右堂廣增面詢該日人來此何故語多支離並未說出即回稟府縣轉電廷用帥請示辦法旋接復電飭該縣令親往阻止向日本人要護照如無護

照即將日人逐出境外該日人不惟不呈護照反向該縣要北洋大臣公文如無公文不准查問該縣不熟條例只得轉電廷用帥向北洋要公文該處蒙人滿人咸欲用武幸經王紳士阻止聽候官府辦法再定行止 所有日人分佔阜新縣遼東村屯計二道河子三十名 八大王廟十名 大固本套改二十名 西戶不套十名 阿力傘二十名 桑土營子三十名 東崗子二十名 三十日新聞報

查辦要案專員回鄂○梁臬司鼎芬因到贛應查之要案業已竣事於二十九日西刻起程回鄂 三十日中外日報

鄂督提訊教案各犯○二十二日梁星海廉訪特提開教各犯至行轅審訊異常嚴密閉人不許擅入 三十日南方報

浙藉京官贊成路線近聞○浙江同鄉京官為江墅路線事昨又有公電到杭於路線穿城而過傍東城而行經由市羊街以達城外之議已經認可 三十日中外日報

愛育堂籌辦路事○廣東粵漢鐵路各代表員前月二十三日集議於愛育堂一為聯名具稟袁京兆其稟稿俟其遞呈後乃為登報一為舉權理人之事其公啓照錄於下 公啟者粵奉岑督督舉權理人接以路事公議由九善堂七十

二行照十八日所議公舉外另已交小股各股東照後開式公舉請於四月初十以前交到總商會彙收再行定期集議投筒公定先此佈聞 二十四日廣東安雅報 以上各省事

留日學生對於楊使參劾韓汝庚等之公憤○駐日楊使參留學生韓汝庚等十九人一摺(載明日憲摺門)已於二月初一日奉 旨依議韓之光祿等署正職銜當被褫革惟其餘十八人因無銜名楊奉 旨後即以斥出學界一事與日本外務省交涉外務省不允照辦楊屢與磋商願以若干權利為報並轉商外務部而外務部各堂官以

利許人事關重大甯可違 旨乃將斥出學界作為罷論惟留東學生以韓等因公獲咎咸為不平云 上海時報

楊公使大宴東西官○東京二十二日函云駐日中國欽差楊星垣星使昨晚七點半鐘又在永田邸公使館內設宴日本宮道及駐京各國外交官等到者為日本大山伊東兩元帥岩村男爵佐藤辦理公使東鄉軍令部員

軍令部次長全權林公使及英美德法義之各公使館武官並日本外務省高等官等四十餘人 二十九日

美國增大海軍○據華盛頓訪員報告美國元老院之商船委員會為當戰時之際欲進制敵於先機之地位特現時軍隊運送船數為二倍半並倡言建造有十二節速力之五千五百噸乃至六千五百噸之船船云

世界唯一之華工○據開鑿巴拿馬運河之工程師報告該運河委員曰美國之工人究竟不勝於開鑿運河之
費又從查孟楷及其餘地方所招來熱帶地方之工人亦終不能獲完善之結果所能任此工事無遺憾者惟
已故華工之聲價直可謂世界所無云 三十日南方報
朝鮮軍信隊亦撤○日俄開戰以來所有日本電信隊出於朝鮮各地者現已盡撤然在北韓為駐紮軍隊故有留
部之必要其仲樂員一時暫不歸國僅工業通信之殘餘部分遣往各地又據當道言該隊留在北韓一部所
韓分遣隊即須撤歸同時屬各地之電信事務總移歸統監府管理云 二十九日南方報 (以上各國事)

譯電

法國禁民聚眾滋事○西歷四月廿九號路透電云法國內閣已下一令署謂五月一號(西歷)為國家舉行大祭之
期民間不得聚眾結隊滋生事端違者重懲云云

南非洲政府飭備藥彈○同日又電云南非洲那他爾政府已飭飭烏爾威治地方製備火藥子彈數十兆圓以資調
用云

遣兵入衛○同日又電云南非洲威里克德縣奉政府命遣送勃亞(譯音)營伍入衛云

美政府不受中國賑款○同日又電云舊金山地震巨災 大清國 皇太后軫念邦交特撥款十萬兩匯解災區以資
賑濟美國政府力辭不受謂將此款賑濟旅美華人云 按電文大意已見本報

巴黎警察清查戶口○同日又電云法國北方工人罷工滋事尚未平靖現巴黎警察擬清查戶口開以資防備於工黨
及尊王黨教會領袖等尤為注意云

英土交涉○同日又電云英國政府已派遣巡洋艦二艘一名冥奈華一名加拉里斯前往土耳其設察邊界以為訂議
英土條約基礎英政府并整飭軍備迫令土耳其政府割讓埃及領地云

旅南非洲歐人要求保護○同日又電云南非洲那他爾省土匪肇亂日見危急旅居斯域士蘭地方之白種人大受驚
恐要求該地方官保護云

摘譯東西各報

派員調查日本皇室衛戍守兵制度○練兵處近議派員赴日本調查皇室衛戍守兵制度(即皇宮護衛兵)將來中
國內廷亦擬仿照日本制度辦法云 (大阪朝日新聞)

促求商標規定○駐京各國公使催促中國政府做各國之列連定發行商標辦法 (大阪朝日新聞)
電請禁日本人測量事○滬上電熱河都統松鶴帥電現有日本人三十六名在蒙古等處測量地方從事許久不肯禁
止懇速指示辦法云 (東京朝日新聞)

新開商埠紀聞○外部現議定將江蘇省崇明縣大倉州海門廳三處開通商埠 (東京日日新聞)
西藏不靖○滬上電據成都電中國派兵剿擊西藏亂黨西藏將軍再被戰敗死亡者二百餘名現在四川總督派兵救
援云 (時事新聞)

安奉開放與俄國人民○東京電安東縣定期五月開放奉天府定期六月開放但俄國人民仍須依軍隊撤退之議現
尚未許其來往云 (滿洲日報)

澳洲聯邦經營東亞貿易○澳洲聯邦大計東亞貿易之發達既由其二三州政府令商務員派赴支那日本今又(維
古德利阿)州政府以(阿爾皮遼印)氏為商業辦理員派赴日本現已到神戶 (大阪朝日新聞)

紐約組織新銀行○美國紐約巨商以城中貨幣市價漲落無常殊多流弊擬集股新組織一銀行以平幣價為宗旨
商務裨益不鮮云 (譯警衛報)

美戰艦失事○美國戰艦名企爾沙沿於西四月十五號艦中藥庫忽然爆炸水兵斃者六名現海軍大臣已派員
此案因何失事云 (譯京津時報)

藏約棘手○西藏條約英國要求特別權利中國礙難允准而英國又催促中國從速簽押此中甚為躊躇云 (西報)

聞西報)各省提倡國民捐○國民捐開辦以來捐者日衆集款日多將來積成巨款或可清還國債債創辦人之
各省未開辦者尙多近聞政府諸公分電各疆吏從速設法提倡率士士民具有天良當無不踴躍捐輸云

京津時報

滇督奏設鑄幣局被駁○雲貴總督日前上一封奏畧謂外來銅元不敷流通請設局自行鼓鑄以平幣價而維信用語聞政府諸公暨鐵張兩大司農均不謂然擬議奏覆駁著其多購銅斤交南洋鑄幣局代其鼓鑄不必自行鼓鑄

(譯益聞西報)

雪菲亞人民擬廢王位○傳聞雪菲亞(英屬地)人民有廢去其王彼得之議旋經英藩部大臣格利君極力開解國斷不肯廢彼得王位亦不許人民擅廢其王云云 (譯益聞西報)

俄議會成立○俄國百姓要求選舉權已蒙政府允准組織一議會惟各處鄉民仍不得與會云 (譯警衛報)

英皇將游歷俄國○英皇愛德烏擬俟俄國議會成立後順道赴聖彼得堡一游云 (譯警衛報)

事件

照錄二十一日廣東鐵路股東議案

二十一日有股東在總商會集議由黃敬陔楊西崖主席譚喬上李方谷宣布茲將議案錄下 一我商辦廣東粵漢鐵路公司事體重大關係緊要有各善堂義長及七十二行商諸位先生代表辦事惟我股友仍須聯結團體遇事維持方足以收羣力羣策之效茲議凡有已交小股之股東共結一無形之團體萬眾一心以維護公益保衛血本為目的尤以股友平等為宗旨認百千萬者固有股東之權認一殷者亦有股東之權且必照四人普通公司之例務伸小股之權以實行本公司原定招股章程第三條 認股一份皆得參議 又第七條 有一股資本即一股之權利(各言)(決議) 二議股友函請公司按照欽定商律第一節第十一條辦理合同第七款載布告股東或衆人之法或登報或通信云云以後如有重要之事請公司會議則前七日查商律第三節第四十五條定期前十五日布告今因創辦伊始諸事逼迫暫變通定期前七日將所議事項登報布告(衆議內地登報外埠發電) 三議如各公司有特別重要之事關係血本者我股友隨時可假公地開特別會議一經登報或傳單我股友務祈到議(定一點鐘預備兩點鐘開) 四議從今日起設股東議案存記簿一本每次會議將已經決議議案抄存即由主席簽字臨時公推股友担任實行另設股友

獻議黏存簿一本凡股友以認股名號獻議者無論可行與否一律黏存俾會議時提議此兩簿由股友托公司存貯會議時乃向公司取用(主席發言議公舉文案一員專司文件暫當義務不受薪水衆議舉譚喬上公議舉楊西崖為主席梁伯蔚為副主席 五議本公司既蒙各善堂代收股本又蒙總商會七十二行舉員辦理收股各事股友已經感謝惟九善堂及總商會各捐費用銀五百元既經勞人辦事又復費人錢財我股友實覺過意不去今議九善堂總商會所捐費用俟公司成立興工築路之日即如數奉還公司萬一不成亦由現收小股所得息項如數撥還庶九善堂總商會不至因公司而耗其資籍我股東係為願全善堂善舉公項起見並非出於受人惠之心也(決議) 六現在各善堂所收小股數目省城報紙均有印股東已經知悉惟收得小股銀兩收存某行某號若干息若干除放存若干請收股各善堂隨時分別列送公司由交省城各報館登報布告此非股友懷疑善堂不過事理應該如此耳況有此布告與呈驗股本無異更可為商部明准商辦之助力(衆議七日將收放銀口數目登報一次另標門外擬致一公函與善堂先將稿賣報紙三天衆以為善始發) 七(議我股友所交股銀兩致公司必須遵照商律第十九條招集股東按律查察悉臻妥辦然後遵照第十二條呈報商部註冊註冊後十五日方准開辦動用股銀否則遵照商律第十九條解散不認(決議)(八)現在有選舉權理人之議但查商律無權理人之名號未知在議舉之權理人其職掌權限若何如祇料理收股事宜如現在善堂行商之代表員者股東自可無庸過問倘權理人之職掌權限係但任接路辦路之事則已侵入商律內載總辦總司理司事等之範圍查商律第七十七條(公司總辦總司理司事等員均由董土局選派第六十二條 董士係由股東公舉)而本公司原定招股章程第五條亦稱(總辦總司理司事等員均照商家規矩由股東推舉)等語總按以上所云現在議舉之權理人必請公司聲明權理人之職掌權限如權理人係担任接路辦路者必遵商律及公司招股章程由股東公舉我股友方肯承認否則不敢承認(決議)擬發函與善堂祇推其收股不必兼辦路並不能由善堂舉權理人(九)省報載左宗藩致鄂督張電云(官保憲鑒粵漢鐵路事昨日經已稟督憲奏咨請商辦已蒙批准三月十三日還欵先行由官墊出現下趕緊迅速舉權理人當即與築鐵路先此慰慰厘寺語左宗藩平日人格如何自有衆論況此次粵漢路事始則規避繼則自行聲明不認路股一份有報路今見路股已集擅行伸手干預用心何在路人皆見左前辦廣益會而不成近更用野蠻惡劣之手段破壞商會諸君已出名傳單聲罪致討順德通縣亦標長紅不用左宗藩均有報紙可據我粵商民斥逐左宗藩

被其揮手路事必不交大股公司終歸破壞公司不成仍復補捐是不徒害我股友之血本且害及全路
於左宗著干預路政之事決不公認(決議)眾議致公函與商會不公認左宗著辦鐵路劉曙石獻議電部督
左電(十)我股友既不公認左宗著干預路事但左現為商會總理當道不知底蘊誤以為商會總理必係商民
以路事托左辦理亦未可定彼時當道誤會成事難說現聞袁欽差有意玉成商辦粵路不如股友先行聯名稟
聲明股東不公認左宗著干預路事俾欽差不致為左所惑如此更消患於未然也茲將稟詞宣讀股友認可即
(決議)有人獻議將稟刊派

批摺摘由

四月初四日

戶部奏請覆御史李灼華奏解餉委員擾累地方請議改章以蘇民困事奉 旨依議 又片奏各省餉銀到京部察院
等衙門應驗批加印擬即裁免事奉 旨依議 又片奏續撥本年京餉事奉 旨依議 又奏請覆兩廣整頓
稅契出力人員從優獎敘事奉 旨依議 又奏議覆安徽省二十六年分地丁等項奏銷未完一分以上各員
事奉 旨依議 又奏議覆伊黎錫伯營領隊大臣希賢請全支養廉馬錢事奉 旨依議 又奏議覆粵海等關征收稅釐
併案奏銷請免造冊事奉 旨依議 又奏核覆廣西省二十一年等年兵馬錢糧銀兩事奉 旨依議 又片奏廣西省
二十四五等年武職養廉銀兩事奉 旨知道了 又奏核覆西安滿營三十一年分津貼銀兩事奉 旨知道了
又奏核覆晉省籌改陸軍請將忠毅軍餉停止解桂事奉 旨依議 又奏酌撥永定河三十二年歲修工程銀兩
事奉 旨依議 又奏蘇省撥還州縣規復銀價另行帶征碍難照准事奉 旨依議 國史館進大臣傳又進忠義傳
均奉 旨留中

政務處四件

戶部奏 會議浙撫奏二十九年分南米二參開復原官並續奏未完一分以上各職名 旨依議 又奏請將蘇省折

(二十)

漕價值酌加 旨依議 又奏援案酌撥南運河歲修銀兩據咨改奏 旨依議 又嗣後辦捐省分不得再請頒發空
白執照 旨依議

四月初五日摺片拾玖件

龐鴻書奏 請襲世職 該部知道 又奏匯交新案賠款 該部知道 又奏匯解俄法借款 該部知道 又奏匯
解練兵處經費 練兵處戶部知道 曹鴻勳奏 尋常命案強強泳建等密擬 刑部議奏 又奏以劉鈺調補撫標中
軍參將 兵部議奏 又奏南鄭縣民陳李保因姦謀殺本夫余九姓身死審擬一摺 刑部議奏 又奏校閱春操
知道了 又奉吳念昔捐助學堂經費請獎 著照所請戶部覈給獎叙 又奏匯解大員考求吏治經費 該部知道
又奏陝省並未奉發京控案件及舊案未結 刑部知道

四月初四日摺片拾玖件

錫良奏擬添設致用學堂 學部知道單併發 廷杰奏酌擬新設建平阜新二縣缺分等 該部議奏單併發 又請
鑄造新設建平阜新二縣各官關防 覽 又建昌縣等守備于治平等捐助學費請獎 該部議奏單併發 連魁奏
晉省坐扣科布多經費非係本款請敕部轉行補解 戶部知道 又查明蒙旗幫台酌發津貼銀兩 該部知道 又
瑞澂寄還糧餉處冊摺奉 旨知道了 又土爾扈特盟長扎薩克赴庫倫等處磕頭并發給照票派員署理 該衙門
知道 瑞良奏審辦各屬命案 刑部議奏單併發 又審明涪縣民楊春妮命案定擬 刑部議奏 又兵馬奏銷請
展期 該部知道 又調署睢州祥符各缺 吏部知道 又籌解四月分練兵經費 練兵處戶部知道 又長葛
知縣朱名昭赴新任 吏部知道 曹鴻勳奏對調知縣 吏部議奏 又季報委署州縣各缺 吏部知道單併發
又甄別期滿知縣 吏部知道 又升補鳳翔府知府尹昌齡送部引見 吏部知道 又委解練兵處各衙門經
兩 該衙門知道

(三十)

奏稿

修律大臣奏處擬死罪改為流徒摺

軍機向未完備該員王守恂多經手未完事件礙難遠舉等因自應另行核員前往查有刑部四川司郎中饒昌麟志趣
遠大於中外法律講求有素堪以充任斯選當即給咨於三月間令該員偕同東渡又日本留學畢業生熊曉在東京肄
習法學有年於該國司法事宜俱能洞見本原並符行該生能堪就近隨同該員等詳細考查庶於彼此情形不致扞格
理合附片 陳明伏乞 聖鑒謹 奏

禮部等部謹 奏為會奏補考優拔生請 旨遵行事竊查定例各省優拔生後期續到者不拘人數禮部會同國子
監隨時奏請在部考試分別等第名次進 呈等語又光緒二十七年臣部會同政務處奏准優貢拔貢 朝考改試四
書文一篇中國政治史事論一篇等因又二十八年六月准軍機處片交軍機大臣面奉 諭旨向來吏禮兩部雜項
考試均請欽命題目于體制殊覺煩瑣嗣後除殿廷考試及鄉會試正場仍著舊章請欽命題目外其餘一切雜項考試即
著派出之閱卷大臣及本衙門堂官擬題無庸奏請欽命欽此又本年十一月初十日奉 上諭國子監著歸學部等
因欽此欽遵各在案今據山東省庚子科優廩生陳文會等二名赴部投文驗到呈請考試前來臣等定於十二月初九
日在禮部會同學部考試應由禮部堂官謹擬四書義題中國政治史事論題各一道其試卷由臣等酌擬等第名次進
呈為此謹 奏請 旨于光緒三十一年十二月初五日具奏奉 旨依議欽此

文苑

漂陽潘烈女行

梁溪蔣萬里稿

北山有女貞垂枝蔭山阿南山有樛大結交枝柯葦桂有同 蕭絲附女羅妾居勾曲山山郎經漂水陽郎為潘楊潘妾
為王謝王朱陳締世好門第兩相當夫婿事長征十載未還鄉塞上 觸新入桃李芳朝日東南隅朝陽是其鄉新人
非故人比翼雙鴛失候雁祇北征歸燕不南翔妾身已分明入門拜姑嫜菽水代天職三日作羹湯生未識夫面那識夫
已亡之死矢靡他祇誦柏舟章夫面既未覩夫棺會將至芳草豈獨活鴛鴦雙死哀哀共命鳥戚戚朝飛雉生死願從
君矢志本如此郎命水上萍妾身萍下水萍散原因風水流澄不萍萍水逢無時波瀾誓不起穀則異夫室死則可同穴
妾非覆水比皎落冰霜質別調歌黃鶴聲聲激金石哀哭城為崩至誠天可格生未入郎棺死庶完此璧號泣以身殉貞
烈足矜式揚輝付彤管用以表巾幗

梁溪蔣寶鑑覽